

RETIRADAS

DAU SOM DE LA PIRAMIDA, LO VUEGE DE L'ABÍS

Lo poderós moviment social que s'enfortisse a l'entorn de la reforma dei retiradas es sensa ges de dobte lo mai portaire de remessa en causa dei politics estatalas despuei Mai 68. Lo rapòrt de fòrça que s'es entraïnât despuei genier es a mand de passar la soleta question dei retiradas, a la semblança dei Gilets jaunes que s'èran endralhats a la debuta còtra la auça de l'essència. Cavauçant sa crosada capitalista, lo macronisme a tròp presumit d'eu, maugrat una estrategia de braç de ferre per un « dorsier » que vòu clavar avans la fin de son segond quinquenat. Seis agenolhaments davant lei constrenchas de la Comission europenca dins lo domèni social mèton de relèu sa feblesa e son emborniamet politics. Sensa comptar que s'es enganat de periòde fàcia au contèxte internacionau, a la guèrra en Ucrània e una logica de conflicte totau que pòu degenerar en Tresena guèrra mondiala. Aprofiechant d'aquest contèxte guerrier e de l'atencion demandada per lo moviment social dei retiradas, enrega amb un projèct de lei de programacion militària mentre que la precedent es mai valida fins qu'a 2025. Macron anoncia una envelopa de 413 miliards d'euros per l'armada dins lei sèt annadas venentas ! « Estrategia dau tuert » (sic) que la consequéncia es de rendre inapercebuda la manòbra e permete a B. Le Maire d'affiermar que la reforma equilibrarà lo budget dei retiradas en 2030... Dins lo borrolatge referenciau, la potinga amara passarà... e mai en seguida lo silenci sus d'autrei sectors

sociaux : politics dau lotjament, deis espitaus, de l'escòla e de l'universitat, dei transpòrts de proximitat, de la transicion energetica... Mai d'unei latz, refortiment de la filiera nucleària !

Coma ne'n sortir quand tot s'acipa au refús democratic d'una majoritat elegida ambe mens de 28% dei sufragis a la presidenciala dins un contèxte constitucional plombat ? Quand lo nombre dei retiradas a 1200 euros es faus, sensa recórrer ai tecnòs de Bercy ? Quand lo Non ! de Matignon de recebre lei sindicats es que feblesa fòrça politica ? Quand E. Borne, bofonarèla, mandant en latz vèrs O. Dussopt son collèga dau trabalh qu'es au nis de la sèrp, dirà que « la pòrta es totjorn duberta » ! Quand, enfin, lei proceduras senatorialas de votacion blocada (art. 47-3) e lei flatariás de la drecha (mens de 5%) cridan secors a bèus uelhs vesents ? Manifestacions de feblesa dei grandas que la tòca es de rebutar de 62 a 64 ans la partença a la retirada, mantenir l'inegalitat de situacion per la frema au trabalh, perlongar lo trabalh dei seniors au despens de la creacion d'emplecs joves...

E après ?

« La revirada de la democracia sociala a capitat » dirà lo quotidian moderat Le Monde a prepaus d'aquela situacion de blocatge e de sortida de crisi sens eissida rarament egalada. Toteis aquelei manobretas de rèire-gàrdia dau governament aumentan lo deficit de contraròtle democratic. Lei mediàs ais òrdres de quauquei capcans auràn d'òbra a minimisar un moviment social que s'es relançat, encara plus après l'operacion prevesibla dau 49-3 e de sa seguida. La realitat sociala indefugibla e lo rapòrt de fòrça desvolopat, nos

empacharàn pas de pausar la question : « E après ? ».

L'espirla dau vuege de l'abís e dau mesprètz capita pas totjorn. Fàcia a la logica presidencialista e sa constitution en fin de corsa, tot es possible. De seguir...

Gerard TAUTIL
13 març 2023

Traduccion : <http://locebier.free.fr>

GARDAREM LA BÒNA RETIRADA !



Ais de Provença, 11/03/2023 (Fotò Isabèla Pazuelo)

A l'heure où ces lignes sont écrites, impossible de savoir comment prendra fin le conflit induit par la réforme Macron des retraites. Et ce surtout après un nouveau passage en force du 49.3 alors qu'une majorité devait exister selon la méthode « Borne Coué ». La motion de censure Trans partisane de nos députés du groupe Libertés, Indépendants, Outre-mer et Territoires (LIOT) et les réactions de l'intersyndicale, comme des citoyens, totalement scandalisés, refusent ce passage en force. Car sur le fond et dans un contexte de crise institutionnelle d'une V république totalement fermée à la participation citoyenne, cette réforme reste injuste, profondément machiste, grandement

suite page 12 ▶